

S 62/3
1.

repeat s 62 South Sotho Custom
COPY 1. S. 31.
PP. 1-4 received 9/38.

K31/1

K31/1
I. J. Thadie

Monghali tšena le tsoa ho monna moholo
e mong o re mehleng ea khale

Ha motho a ne a shoele o na epeloa
ka mokhoa ona. O na chekeloa sekoti
se se chitja hobane motho o na a kokoma-
tsoa joaleka ha a lutse a sehliloe ka tšasa
mangole e le hore a tle a tsebe ho lulisoa
fatše a kokomalitsoe. Seaparo ho thoe
o na a apesoa kobo ea khomo e suhiloeng
e bitsoang mokhahla a thatiloe ka eona
joaleka ha motho a apesitsoe a khurume-
litsoe sefahleho. O re motho o na a koko-
matsoa joalo e le hore e tle e re mokha
tsoho ea bafu e fihlang ba tle ba eme
hang ba re rao, hoba ha ba robatsoa
fatše ba kokomalitsoe ba shebisitsoe Bo-
chabela.

2. O re mehleng ea khale batho ba
ne ba tena matlalo a suhiloeng a linku
kapa a lipoli, hona e be e le borikhoe
ba banna bo nong bo tsoapetsoa ka
linokeng, bo no bo bitsoa tšea, ka
bolelang tšena o re basali bona ba ne
ba tena matlalo a likhomo a suhiloeng
a sehoa a etsoa ntho e kang mose oa
sekethe leha empa ona e be e le o molelele
ka morao o otlang magagailaneng a
maoto kapele o khaola lirope ka lehare
joale ho ena le o mong mose o monye-
nyane kahare o tenoang le ona ^{oa} khomo
ona o no o etsoa ka likhoele tse ohliloeng
hantle tsa setlama se bitsoang tsikitlane
joale e be he e tlotsoa ka letsoaku. Hammo-
ho le mose ona o moholo oa kaholimo e
leng oa khomo hona e be e le tšona lia-
paro tsa basali bakeng sa mese, 'me mese

5 (62)

K31 / 1

ena ke e sa ntseng e tenoa le kajeno ke banana ba batho ba batso ba bololitsoeng mese ea likhomo le lithethane tse tlotsitsoeng ka letsoku ke tse tenoang ke bana. na ba bololitsoeng mohla ba tsoang ba esong ho hlatsoe letsoku hoba bohle ba bolotseng mohla ba tsoang ba tena ntho tseo li tlotsitsoe ka letsoku 'me ba bitsoa ka lebitso lena la litsoejane mohla. ~~letsoku~~ lena ba tsoang ho bitsoa banana ka lona, mohla ba hlatsoang letsoku lena ba bitsoa baroetsana.

3.

Hape banana ba bollela hae le ntlo ea bona ha e chesoe feela mohla ba tsoang ho etsoa mokete o moholo haholo. Bosiu ho besoa mollo oa motonana hali joale pina e be e kholo ho binoa ho potoapotoa mollo ona Khanarena e tsabehang. Mokete oo he ho thoe ke thojane. Hoa binoa ho tloloe ho fihlela hosasa joale e re ha tsatsi le chaba litsoejane li be li isoae ka thung mokhang oo he ke mohla moropa o letseng o khabola le bosiu ka ha banana ba bololitsoeng ba na le moropa o entsoeng ka lekhalala le omileng ke hore ka kutung moo le leng letenya eaba lea fatoa le phunngoa lesoba eaba ho thijoa ka mahlakore a mabeli ka lekoko la pere e be ho sinoa lesoba le lenyenyane ka hlakoreng le leng. Banana bana ba bitsoa bale ka nako eo ba sa bolotseng ka lona ba itlotsitse hohle ka mobu o mosoeu o bitsoang phepa. Hape ha ba bitsane ka mabitso a bona a tsoalo ba bitsana ka a bo ra-nyeo a kang Ramosiuoa a bo Kalimakatso. Leha ba buisana ba re banna ha ba re basali, ba bitsana joalo ho fihlela ba etsoa mophatong oo oa bona. Hanthe bashemane bona mohla

4.

ba tsoang mophatong ba ee ba mathe
 ba hlobotse ho leba hae moo motho ea ba
 bololitseng a lulang teng ba baleha joalo.
 Ntlo eo ba neng ba lula ho eona e mane
 thabeng kapa thoteng e 'ngoe feela e khethi-
 loeng moo basali le banana le bashemane
 ba sa bollang le banna ba sa eeng teng
 leha e le ka mohla o le mong. r sala e
 chesoa ke e mong ea setseng teng che a
 sa e chese ka boomo empa e le molao
 oa teng hore e chesoe. Oho e re ka ha e
 chesoa mantsiboea mosi oa teng oho ke
 o ts'abehang moo khabo e eang e tlola eaba
 ntho e ts'abehang ruvi. o ^{joale} bashemane ba
 tsoa batla bona he koana ntlong e chesi-
 tsoeng joale etlare ha ba atamela motse
 ba lule ho se ho ena le banna he moo
 5. ba fihla ba ba tlotsa ka letsoku hohle
 'meleng le lihlohong ba apesoa likobo tse
 ncha tse peng tlele ke letsoku ba se ba
 tenne litsea tsa linku joale bashemane
 bo likoto le mesaga e tlotsitsoeng ka lona
 letsoku lena tsohle tsa bona ke tse letsoku
 kaofela. Baa nyoloha joale pina e le
 e kholo ho ea hae. Banna ba ithoka ba
 tlala ba tlola ba rahaka ba fataka
 marole a thunya e le monyaka joale
 Ha ba fihla ba fihlela khotta nyalong eo
 banna ba lulang teng moo ho bueloang le
 linyese litaba ha li le teng. Joale bo tla ithoka
 borolo ka lithoko tseo ba li rutiloeng ke
 banna ba khethiloeng ho lula le bona mepha-
 tong ba bitsoang basue joale bo tla ithoka
 lillo e be lillo ho baholo ke ho hlomoha ha ba
 utloa se boleloang ke bana. Hape ba ithoka
 ka bo mong ke hore ka bongoe mohleng oo.

6. Banna ba tla bina bosiu bohle meketeng
 ena e 'meli oa bashemane le banana ke
 mohlang oo ho hlabiloeng linonng mathomo
 le manku bashemane bona. Ore ba ne ba
 hlabeloa poho ke hore e nama e thata ba tle
 ba tiise melala ka ha mehlang es ho no ho sa
 khantsoa likhoka. Le bona bashemane ha ba
 bitsane ka mabitso a bona a tsoalo ba bitsana
 ka ao ba tla ithoka ka ona ke hore e mong le
 e mong o ipitsa ka lebitso leo etlare ha a
 ithoka a ipolele ka lona a kang ana ~~le~~ bo
 Leratha, le a bo Lenepa. Ore ba ne ba ithoka
 tjena - Leratha o oele sebataolong eitse ha a
 tsoha a 'na a ikonka, a re mphophoreng
 hloho ke matlala, ke mahoholi a noka ke
 tlaletsoe esale ke tlalloa Phuthiatsana, sefate se
 eme ka nokeng Leratha, sa 'na sa tsoalla makala
 a sona ntho tse khunoana.